

Die Erd iss nimmi ze redde

Omm letzde Sunndaach hott misch de Hubert oogerufe. Mensch, Hubert, saach isch, vunn dir habb isch joo schunn long nix mieh geheerd, bissde kronk gewese odder hosde disch abgemachd nooch Spanien?

Ach Hannes, hott de Hubert ze Antwort gewwe, eigentlich hatte ich nur auf eine Gelegenheit gewartet, dich wieder mal anzurufen. Und jetzt gibt es so eine Gelegenheit.

Ei was donn ferr Geleeschenheit?, habb isch gefroochd.

De Hubert druff: Man liest ja eben nichts anderes als Greta, Klimakatastrophe und solche Sachen und gerade letzte Woche war zu lesen, dass ein Milliardär in Amerika große Raketen bauen will um den Mars zu besiedeln, weil unsere Erde bald unbewohnbar werden soll. Und da dachte ich, das ist die Gelegenheit, mal den Hannes anzurufen und ihn zu fragen, was er von der ganzen Sache hält. Hannes, was hältst du davon?

Ui jeh, saach isch, dess iss e bissi vill uff oomol, was du misch doo frooche dust. Also: Isch glaab, dass unser Kinner unn Enkel unn allminonner uff de Erd in fuffsisch odder achtsisch John e Klima hawwe, dess sisch gewaldisch vunn dem unnerscheide dut wies jetz iss. Weil ess werdd nitt wärmer, es werdd heiß mett alle Noochdeile, die die Hitz mett sisch bringe dut. Mir Mensche hawwe seit de Neandertaler gelernt, mett de Kält umzegieh, dorsch warme Klaader unn dorschs Feiermache, awwer mett dere Hitz, die kumme dut, kenne merr nix oofonge. Die Hitz kimmt halt dorsch dess ville CeeO-Zwoo, was merr in die Luft bloose unn ...

De Hubert hott misch unnerbroche: Hannes, so schlimm wird es nicht werden. Also die Greta, das Kind aus Schweden: Sie hat mich und viele Menschen auf der Welt darauf aufmerksam gemacht, dass wir alle etwas tun müssen, um zu verhindern, dass viel CeeOZwoo erzeugt wird: Weniger Auto fahren, weniger fliegen, weniger Fleisch essen.

Isch frooch: Hubert, wie alt bisdden du?

Hannes, seet de Hubert, das weißt du doch, ich bin so alt wie du.

Siehsde, Hubert, saach isch, mir Alde kenne dess mache. Weil mir fahn nimmi weit meddem Audo, grad noch zum Oikaafe, mir fliehn nimmi noch Amerika, weil merr schunn fuffzehmol dort warn unn de Dokder uns ess Fluuchzeuch vebodde hott weesche unserm Herz, unn Fleisch esse merr aach nimmi vill, weil die Kinner ihr eische Familie hawwe, nimmi su oft bei uns kumme unn unsern Grill uffem Speicher longsom rodsich werdd. Also mir Alde kenne uff vill verzischde unn waaßde aach warum: Weil mir alles schunn hadde! Awwer erstens die, die nooch uns kumme, unn zweitens die, die uff de gons Welt sisch heit dess leisde kenne, was mir uns schunn vor dreisich Jahr leisde konnde, die verzischde nitt. Warum mir?, saache die.

De Hubert hott enn Aacheblig noochgedenkd, donn seeder: Das hört sich ja nicht sehr gut an. Du meinst also, unsere Erde ist nicht mehr zu retten?

Naa, saach isch, die Erd iss nimmi ze redde. Unn nitt nor isch saach dess. Warum dun die Reiche in Amerika die große Rakete ferr de Mars baue? Weil se sicher sinn, dass merr in fuffsisch Jahr uff dere Welt nimmi aushalle kann unn dasselbst odder ihr Kinner bis doohie uffem Mars e Kolonie uffgebaud hawwe, donn kenne se sisch vunn weit ewegg oogugge, wie die Erd verbrenne dut.

Doo seet de Hubert: Hannes, ich muss auflegen, ich kann das nicht mehr hören.

Isch saach noch schnell: Hubert, du bist nitt de Oonsische, der su ebbes nitt heern kann. Unn aach nitt heern will.

Eiern Honnes